

Habenaria Willd.

Habenaria Amparoana Schltr., nov. spec.

Herba terrestris, erecta, 25—40 cm alta; tuberibus breviter stipitatis, oblongoideis vel ellipsoideis; caule erecto, substricto vel leviter flexuoso, teretiusculo, glabro, basi foliato, caeterum vaginis 3—5 herbaceis, dissitis, lanceolatis, acuminatis, decrescentibus obsesso, supra basin 4—5 mm diametro; foliis 4—5 erecto-patentibus, circa basin caulis subrosulato-aggregatis, oblongo-ellipticis vel obovato-ellipticis, acutis vel acuminatis, basin versus sensim angustatis, usque ad 17 cm longis, medio vel supra medium ad 6,5 cm latis; racemo erecto, laxe 7—12-floro, usque ad 18 cm longo; bracteis anguste lanceolatis, acuminatis, inferioribus nunc flores subexcedentibus, superioribus sensim decrescentibus; floribus suberectis, ut videtur virescentibus, illis *H. Türckheimii* Schltr. minoribus et angustioribus, glabris; sepalo intermedio erecto, elliptico, obtuso, concavo, vix 5 mm longo, 3-nervio, lateralibus deflexis, oblique oblongo-lanceolatis, obtusiusculis, glabris, 3-nerviis, intermedio aequilongis; petalis erectis, 2-partitis, partitione posteriore oblique ligulata, obtusa, sepalo intermedio subaequilonga, partitione antica posteriore fere aequilonga, filiformi, erecta; labello alte 3-partito, 5 mm longo, partitione intermedia lineari obtusa, lateralibus divaricato-patentibus subulatis, obtusiusculis, intermedia fere aequilongis, calcare dependente, subfiliformi-cylindraceo, subacuto, supra medium levissime ampliato, 1,3 cm longo; anthera suberecta, brevi, canalibus brevibus adscendentibus; processibus stigmatiferis crassiusculis oblique oblongoideis, quam canales subduplo longioribus; ovario cylindraceo, torto, sessili, glabro, c. 1,2 cm longo.

Costa Rica: Ohne nähere Standortsangabe — C. Wercklé no. 138.

Die Art steht der *H. Türckheimii* Schltr. nahe, ist aber gut unterschieden durch die sehr lockere Blüentraube, schmalere und kleinere Blüten mit anderen Teilen und den dünneren Sporn.